

河
流

經
遠
通
志
稿
卷
四
第
六
冊

綏遠通志稿卷四

河流

黃河自寧夏出邊經鄂爾多斯部西界北行至省崑山麓分為二枝一枝東行經鄂爾多斯北界及烏拉特部之南界為今河正幹即古之所謂南河也一枝循陰山高關北行歷狼山及烏拉後山之南麓折東折南繞烏拉前山之東麓而與南枝合此為黃河故道亦即古之所謂北河也臨河五原安北三縣均位於南北二河之間而沃野東勝二縣則分列於南河之南南河之南謂之河套南河之北北河之南縱開八渠緯以橫溝謂之後套此為黃河經流套地之大略情形迨南北二河合流後則東行歷包頭薩拉齊二縣之南界至托克托縣西北乃折而東南經清水河縣境出綏遠省入邊而達山西界

水經注。河水又北。逕臨戎縣故城。西元朔五年立。舊朔方郡治。又北有枝渠東出。謂之銅口。東逕沃野縣故城南。又北屈而為南河出焉。又北迤西溢於窳渾縣故城東。元朔二年開朔方郡。縣即西部都尉治。其水屈從縣北流。又屈而東流。為北河。東逕高闕南。又東逕臨河縣故城北。至河目縣西南。屈逕河目縣。在北假中。又南合南河。

水道提綱。黃河北逕阿布山塞爾旺喀喇山西麓。至白塔之東。東北稍曲折北流。歧為二派。一東北流。經後旗西北境。一北流。注騰格里鄂模。即古窳渾之屠申澤也。池東西甚長。其西北有水名哈爾哈納河。南流入馬池。自西南迤而東北。周百餘里。又從池東北出。會北來之阿爾坦河。又東北為庫庫鄂模。始折而東北流。又北歧為二脈。折而東流。

原注。北河自寧夏東北至此。

始共六百餘里。其北即陽山。正脈又分二枝。經後旗北境。即西。即高關。又北。則大漢也。

古朔方河南地也。最北一脈。中分復合。至吳喇忒旗西黑爾楚克賀邵山北。折而西南流。北派自西來會。又西南至几爾哈郎圖南。南派亦自西來會。三派復合。東南流五十里。折而東流。經右翼後旗北。吳喇忒旗南。

一統志。案黃河北流。經古朔方城之西。行五百餘里。一枝分為二歧。東注水經所謂南河也。其北河流至套外之阿爾布坦山南。迤西。溢為大泊。土名騰格里。腦兒自此屈而東流。過古高關南。行二百里許。稍東南。又折而西南。與南河合。水經所謂北河南。屈迳河目縣左。又南合南河。是也。

蒙古遊牧記。鄂爾多斯部注。黃河自寧夏府寶豐縣界北流。出邊。經右翼中旗東。納伯穆泊。西納騰格里泊。分數道。折東。

流經右翼後旗界復合。又東南納布爾哈蘇台河。喀喇河。西都爾呼河。又經左翼後旗。北納博托河。蘇爾哲河。南納哈拉奔那河。折東南流。其東岸為圖爾根河口。烏蘭木倫河口。接歸化城界。又經左翼前旗入邊。為榆林府界。通典河水自靈武郡西南便北流。凡千餘里。過九原郡。乃東流。自靈武以北。漢人謂之西河。自九原以東。謂之北河。元和志勝州榆林縣。榆林關在縣東三十里。東北臨河。又河濱縣。黃河在縣東一十五步。濶一里。不通舟楫。榆林志。黃河在榆林衛北千里。自寧夏橫成堡西折而北。逕三受降城南。至廢東勝州西。折而南。入府谷縣皇甫川。東九里。其中謂之河套。周迴數千里。一統志。鄂爾多斯三百皆距黃河。自山西偏頭關至陝西寧夏衛。延長二千里有奇。

綏乘。黃河自寧夏出邊。經鄂托克旗西界。至五角渠。加一渠名。即五
河。加歧為二派。一派南流為黃河新道。即古所謂南河也。東
行至其哨烏楞河口。溢出一枝。至依克博依河口。又溢出一
枝。其哨烏楞河口。新溢之一枝。成拋物線形。迤邐東南。後分
二小枝。至北城境。與南流會。依克博依河口所溢之一枝。亦
成拋物線形。迤邐東南。復分二枝。至薩拉齊境。與南流會。此
南河入綏境後之形勢也。一派北流。為黃河故道。古所謂北
河者也。自五角渠北行。今涸無迹。所謂溢為騰格里泊者。亦
皆變為沙阜。北至義太魁之南。諸渠藉此涸河為尾閘。始見
水流。迤東行。至公義恒之東。歧為二枝。成橢圓形。東流相會。
又東至烏蘭搗包之南。迤東南行。古道至大余太台梁之南。
過石門障。水包烏拉山東。繞而南行。與南流合。今道至烏拉

山西溢為烏梁海泊。不復與南流通。此北河入綏境後之形勢也。自南以南，河長城以北，俗謂之大套。自南河以北，北河以南，俗謂之後套。自套東行，歷經五薩北、清四縣，至老牛灣出套入山西境。

黃河自入綏遠省境，至出境，所納南北兩域之水甚夥。其北岸所納計有下列諸水。

余太河源出教西喜山，西流會蘇爾哲河，注於河。

蒙古遊牧記：烏拉旗北八十里，有舍特河。特源出教西喜

山西流經大青山，入黃河九十里。有蘇爾哲河，源出雪山西

流會余特河。皆音余太，舍特。

烏爾圖河源出雪山西南，流注於河。

蒙古遊牧記：烏拉特旗北百里，有烏爾圖河，源出雪山西南

流入黃河。

席汗河為席勒河。哈柳圖河。阿爾紫河。東哈柳圖河。四河之會。流注於河。

蒙古遊牧。託烏拉特旗北百八十里。有席勒河。源出阿爾紫山。

西南流。會哈柳圖河。百八十五里有阿爾紫河。源出阿爾紫

山。西南流。會席勒河。有哈柳圖河。源出麥垵山。西南流。經連

山東。又西南。經東德爾山。西德爾山。南拜星圖。北為席汗河。

又西南入黃河。

昆都倫河。亦名黑河。即古之石門水也。源出茂明安部。西南流

合伊克鄂博河。齊齊爾哈納河。惟山河。三河之水。入固陽南境。

又入安北境。南出石門障。一即昆都倫溝。一入包頭縣境。至名

溝之南。入於黃河。

水經注石門水出石門障其水自障東南流逕臨沃城東東

南注於河山西通志今昆都倫河亦名黑河

蒙古遊牧記烏拉旗北百二十里有伊克鄂博河源出伊克

鄂博山西南流會齊齊爾哈納河百五十里有齊齊爾哈納

河自茂明安部流入境西南經白石山會黑河百七十里有

惟山河蒙古名額古特源出惟山之西南流會黑河二百里

有黑河蒙古名喀喇木倫從茂明安部流入境西南流入黃

河

包頭河一名博託河源出於薩縣西大青山之榆樹溝經石拐

鎮董瓜溝入包頭縣境西南流入於河

山西通志據乾隆輿圖有博託河源注即包頭河出廳西

指薩包未分縣百十里榆樹溝經包頭鎮東南流入河按即

今包頭縣城東門外五里之東河。附河有小村。縣人稱之為東河。上者是也。蒙語補特為屈灣之意。故山灣水灣均可稱補特。其譯作博託。或包頭。皆因蒙語對音有差異耳。昆都侖河及包頭河。在包頭縣境。均係山溝之水。夏季驟雨時。水勢奔放湍急。但易洩易盡。源流不久。平時河床暴露。僅見沙礫。冬季則更枯涸矣。無黨河。一名五當河。在薩拉齊縣境。源出布當圖山。經五當溝南流十餘里。合小斗林沁溝之水。注於河。山西通志。無黨河原注出廳西北大西溝。南流十餘里。左合一水。至廳南二十里之白廟子村入河。案無黨河即五當河。源出廣覺寺所在之五當溝。其山即布當圖山。舊屬薩拉齊。今為薩包二縣之界河也。

蘇爾哲河。一名水澗溝河。在薩拉齊縣境。源出蘇爾哲谷。南出注於河。

山西通志。蘇爾哲河。原注引通志輯要云。豐州灘在歸化城西百二十里。蒙古名伊克蘇爾哲谷。與此別為一水。彼入黑河。此入黃河也。又蒙古游牧記。烏拉特旗北九十里。亦有蘇爾哲河。源出雪山。與此亦異。彼入舍特河。後始注於黃河。此則出谷不遠。即自注於黃河。案此蘇爾哲河。即薩拉齊縣城北十五里水澗溝中水。與豐州灘及烏拉特旗北同名二水。均遠不相涉云。

邁達里河。一名冒帶河。在薩拉齊縣境。源出縣東北之麥達台溝。西南流。至冒帶渡。注於河。

山西通志。案黃河隸廳境。一百七十里。屈南之處。為冒帶渡。

在廳治東南六十里。入河小水。俗概名沙河。據乾隆輿圖有博託河。無黨河。蘇爾哲河。邁達里河。諸水。並與今圖同。其名字之歧。則番語對音無定字也。又注邁達里河。即冒帶河。在冒帶渡北。源有二。並出廳東北七十里山谷。南至北斯合爾合。而西南流。至冒帶渡。入河。袤八十餘里。

大黑河。一名伊克圖爾根河。古之芒干水也。水。又亦作白渠。荒干。舊說發源於歸綏東北之官山。綏乘據綏遠旗志。以為有二源。一出於速勒圖。甲拉圖二村之西山。一始於上高。高速太北山。實則黑河之源。殊不止此。其最初所會數水。雖各有專名。然均為黑河之源。迨既納哲爾德河水之後。始名伊克圖爾根。綏乘所述。不過此群源中之二派而已。古籍於最初數水。未能悉舉其名。故統稱之曰芒干水。自群源合流。由歸綏東北之下拐角鋪。

繞出縣南沿流復納衆水至北園子村入托克托縣境注於河

水經注芒干水案漢書地理志作荒干出塞外南逕鍾山山即陰山也

其水又西南逕武泉縣王莽之承武也又南逕原陽縣故城

西方輿紀要趙武靈王破原陽郡以又西南與武泉水合其水

東出武泉縣之故城西南又西逕北與縣故城南案地理志

五原有南與縣故城北加北舊中部都尉治其水又西南入芒

干水芒干水又西南逕白道谷口有城在右縈帶長城背山

白澤謂之白道城自城北出有高阪謂之白道嶺沿路惟土

穴出泉挹之不窮余每讀琴操見琴慎相和雅歌錄云飲馬

長城窟及其跋涉斯途追懷往事始知信矣顧瞻左右山椒

之上有垣若頽基焉沿溪互嶺東西無極疑趙武靈王之所

築也芒干水又西南逕雲中城北白道中溪水注之水發源

於此

武川北塞中。其水南流。逕武川鎮城。城以景明中築。以禦北
狄矣。其水西南流。歷谷。逕魏帝行宮東。世謂之阿計頭殿。其
水又西南。歷中溪。出山。西南流於雲中城北。南注芒干水。芒
干水又西。塞水出懷朔鎮東北。芒中南流。逕廣德殿西山下。
余以太和十八年。從高祖北巡。屆於陰山之講武臺。臺之東
有高祖講武碑。碑文是中書郎高驄之辭也。自臺西出。南上
山。山無樹木。惟童阜耳。即廣德殿所在也。其時帝幸龍荒。遊
鑿朔北。南秦王仇池楊難當。捨蕃委誠。重譯拜闕。陛見之所
也。故殿以廣德為名。太平真君三年。刻石樹碑。勒宣時事。司
徒東郡公崔浩之辭也。其水歷谷南出山。西南入芒干水。芒
干水又西南。注沙陵湖。湖水西南入於河。
歸綏識略。黑河在城南二十里。蒙古名伊克土爾根。輯要謂

即古白渠荒干水也。源出鑲藍旗察哈爾東北七十里海拉
蘇台坡。名喀喇烏素。俱蒙古語。漢書地理志定襄郡武進縣
注。白渠水出塞外。西至沙陵入河。武泉縣注。荒干水出塞外。
西至沙陵入河。當即黑河之正名。後世因水色純黑。與黃河
水別。且出北方。故俗名黑河耳。一統志。黑河古豐州界。源出
官山西。流入雲內州界。至東勝州。入黃河。府志。源發大青山
東。官山九十九泉。經城南二十里。為大黑河。至脫脫城西南。
復流入黃河。

大黑河自發源。至入黃河。所納南北諸水。不下十餘派。茲擇其
尤著者。分紀如次。

納札達海河。安達河。朱喇馬台河。皆發源於歸綏東境山谷中。
各為大黑諸源之一。會於喀喇烏蘇。是為芒干水。

案大黑河源。舊說亦多聚訟。無折衷至當之論。或謂始於
官山之九十九泉。或謂出於殺虎口外之海拉蘇台坡。致
後世之考山川者。均茫然無所適從。實則此河未出東山
溝時。其所會東南北三面諸水。始無一非黑河之源。即古
籍所載之官山。斷非一峯一巒之謂。而所謂九十九泉。亦
豈一溪一澗之微哉。如本條所列三河。皆出於東山谷中。
故山西通志引水道提綱。謂此三水即官山九十九泉之
水。亦即水經注之芒干水。其說固足止曩者紛紛之辯也。

已。

案札達海河出於歸綏城北。詳見後。

北德布色克河。哲爾德河。一源於德布色克山。一源於涼城縣
北境。均會於芒干水。自此以下。始名大黑河。

案綏乘謂小黑河亦名哲爾德河。殊謬。小黑河僅有巴哈

圖爾根之名。無哲爾德之名也。二水雖皆入於大黑河。但

一源於歸綏。一源於涼城。未可混為一談。且其入大黑河

之先後地址亦截然不同。茲依水道提綱為辨證之。

西拉烏蘇河。一作蘇什呼圖克圖河。古白渠水也。源出敕虎口北

山。合流經和林縣東。又北經歸綏縣南。折而西行。入大黑河。

水經注。白渠水出塞外。西逕定襄。武進縣故城北。寰宇記。武

雲中東一百四十里。進訖晉。西北逕成樂城北。郡國志。成樂故屬定襄也。

魏土地記曰。雲中城東八十里有成樂城。今雲中治。一名石

盧城也。案今和林格爾廳北。又西逕魏雲中宮南。魏土地記

曰。雲中宮在雲中縣東四十里。又西南逕雲中故城南。又西

北逕沙陵縣故城南。其水西注沙陵湖。案白渠水。蒙古語錫

和林格爾東。逕廳北之雲中宮。又西北至托克托。今則黑河

入黑河。其故道所逕之雲中宮。雲中城皆不可考。今則黑河

入黃河。非大濤五不通。沙陵歸歟。界。雲中以故城核之。似雲中宮。在

二十里黃黑水之間。

山西通志。白渠水為今黃水河。據今圖。水出甯遠廳北百八

十里之五吐魯南。左合一水。曲行山澗中。七十許里。與東來

之一水會。折西流。逕西溝門。又一水南來注之。溝古參合陁

也。又西出溝。經和林格爾廳北之上土城北。北水逕成樂北。謂西

又西有水自廳西北來注之。入托克托廳界。後魏雲中宮當

在縣界。西經黑城北。泉出城西北。來會。又西北流三十里。與黑

水河合。在縣東二十里。古雲中城。即兩水之間。又按今圖。

什城。西流。至托克托廳境。與大河合。此自古通稱之。白渠水。一名

小黑河。一名巴哈圖爾根河。古武泉村。印以水通稱之。白渠水。一名

歸綏東北。哈喇克沁山谷中。流經城南十里。又西南行至洪津。

入大黑河。

綏乘。至阿力拜村。入大黑河。

歸綏識略。小黑河在城南十里。蒙古名小土爾根河。

兼用漢語。

西流四十里至洪津。入大黑河。府志謂源出左右山峪。以今

考之。則自城東北討速號溝發源。疑小黑河為白渠之俗名。

大黑河為荒干之俗名也。

案今小黑河流經歸化城南十里。又西南三十里至洪津。入

大黑河。震宇記云。北興城在雲中北五十里。雲中城在托克

托廳之東。距洪津尚及百里。不合也。今本誤北興為北字。蓋

不足據。

案識略以小黑河為白渠之俗名。與綏乘以哲爾德河為

小黑河之異名。殆屬同一疏謬。蓋彼見水道提綱以白渠

芒干水合稱。遂誤以為如今日之大小黑河連類並呼也。

大黑河既為芒干水。則小黑河必為白渠水。此為張氏致
誤之因。攷道元水經注於芒干白渠武泉諸水。凡其源流
及所經城邑。均有說明。即張氏所引酈注白渠一節。亦無
可以移附於小黑河之處。豈其未見原書所述武泉數語
耶。抑雖見而惑於古今地名。仍不能得其究竟耶。蓋盛樂
城在和林北境。為白渠所經之地。北興縣即今歸綏。為武
泉所經之地。乃齊氏水道提綱。竟謂歸化城即古之盛樂。
於是地名誤。而水道亦因以顛倒。張氏雖讀水經注。而卒
為提綱所蒙。則信矣。著書之難也。

札達海河發源於歸綏城北。公主府附近之泉水。經民政廳及
縣公署前。西南行數十里。入小黑河。

綏遠旗志。札達海河在廳治前。自公主府而下。居人鑿渠。分

為二派。一繞城隍廟垣左。至廟前架木而空其中。引溉城東北一帶。蔬圃一由廟後西南流。經道署前。

案縣北近山麓處。平地泉源甚多。蓋因蜈蚣壩溝及紅沙口山澗諸水。遇沙伏流。至近郊。乃滙滙溢出。故公主府四週。幾於是處有泉。其西二里有小村曰水泉者。即因地得名。群泉滙流。遂成扎達海河。而縣城西南負郭之業農圃者。多賴此獲灌溉之利焉。

多羅圖河發源於歸綏西北之烏蘇圖谷。經城西數里。南流至二道河。會扎達海河。入小黑河。

案縣西南流之水。俗稱五里沙河。河西有村曰多羅圖慕。以此村名揆之。或即當年因河得名之証。水道提綱謂多羅圖。哈爾几。黑勒庫三河。概為古白道中溪水。第以今之

形勢核之。三河中惟此河相隔較遠。恐所斷未可盡信也。
哈爾几河發源於武川縣之翁家鄂博岡。出歸綏縣西七十里。
之水磨溝。即古白道中溪水也。經畢克齊鎮。南流數十里。會於
素水道。提綱述多羅圖哈爾几黑勒庫三河會流入大黑
河。今則惟二河相合。而前一河實獨注於小黑河。因多羅
圖河與哈爾几相距在六七十里之遙。且作平行線南去。
確無可以相合之理。考大青山自烏蘇圖谷以西至水磨
溝。其間尚有一谷。曰白石頭溝。此谷距哈爾几河不過二
十餘里。有水不甚大。但值山洪暴發時。則末流必與哈爾
几相會。意古代水源較旺。為白道中溪之一。提綱所指。或
即此水。亦未可知。姑存此說。以俟博古者續考焉。
黑勒庫河與哈爾几同源。別出黑勒庫谷。經畢克齊。察素齊二

鎮之間南流會哈爾几河入大黑河。

紫黑勒庫河亦白道中溪之一與哈爾几河同源而異派。

末流復合為一其所出黑勒庫谷俗稱黑牛溝蒙語謂黑

牛為黑勒烏庫噶簡言之則成黑勒庫攷古籍所列白道

中溪數水惟此河最為昭合而可信東距哈爾几約十五

里又東二十餘里即為白石頭谷中水三水相隔均不甚

遠統稱白道中溪似尚近情也。

^素察蘇齊河古塞水也源出萬家溝東西二泉故又名萬家溝河。

經察蘇齊鎮西為歸薩二縣之界河南流至托縣境入大黑河。

水道提綱黑河即古白渠荒干水亦曰金河源出殺虎口外

海拉蘇台坡名喀喇烏蘇西北流右納札達海河安達河朱

喇馬台河皆自東北山來會又西流受北德布色克河水又

西南流。合東來之哲爾德河。始名伊克土爾根河。折正西流。至歸化城南。有巴哈土爾根河。即小黑河也。自東北山西南流。經城西南。有札達海河來會。又西流。有西拉烏蘇河。呼圖克圖河。二水源自殺虎口北山西北。流合而來。會。又西流。有哈爾几河。黑勒庫河。多羅圖河。察蘇蘇齊河。諸水俱自北來。注之。又西南至黃河。自西來折而南流之處。匯為黛山湖。又西入黃河。歸化城即古盛樂城地。在殺虎口北二百里。黃河東岸一百六十里。黛山湖即古沙陵湖。黑水即金河。其北為白道。

案以上十三河皆白道川境。注入黑河之水。又附黑河而轉入黃河。與奈太河以下諸水之逕注黃河者。蓋微有別也。惟黃河自西而東。故所納諸水亦自西而次。紀於東。若

黑河則由東向西。於是所納諸水，亦不得不溯東而歷，數於西。此又因二河形勢之殊而敘次，所以略有不同也。水道提綱所述亦循流而下，與本篇所載前後略同。雖山西通志譏其過簡，然大致尚無甚謬。惟混白渠荒干為一水，又以歸化即古盛樂，未免失考。說見別條，不更贅焉。

紅河古中陵水也。源出山西平魯縣東，流至殺虎口北，出口迤西，經和林格爾南境，至清水河縣北之石壁，又西北至岔河口。會清水河注於河。

水道提綱注烏蘭木倫河上源兔毛河，源出平魯縣西南。北流至殺虎口，出邊折而西流。有察漢音圖河、努衙格爾河、虎虎烏蘇河，俱自察哈爾西南流來，會循邊城而西。舊名神水河，在歸化城南一百八十里。南受一水，又西流至烏蘭巴爾。

哈孫城。西入黃河。即古中陵。樹頽二水。
山西通志。業兔毛河。古中陵水也。出平魯縣東南山下。水經
注所謂大洛真山也。自源北流入縣城。由城西出。屈而東流。
十五里會海子窰水。又有牛洞溝。老蛇溝。石灣子。王定窰。諸
水。並自縣東匯入。名滄頭河。東北入右玉縣界。經威遠堡。牛
心山。水合一。水西流二十里注之。水經注之。貸敢水也。又北
經華溝堡。孫家川。水自西南來注之。雲石堡水自西來注之。
又北有二小水。並東流十餘里注之。又北至府城西南。范家
堡水自東南來。西流注之。又北馬營河。東出青陽嶺。西流三
十里。自府城北注之。又北十里與兔毛河合。水出東北。駱駝
山。蓋即水經注之吐文山。吐文水也。循邊西流。至殺虎口。南
與中陵水會。此下俗通稱為兔毛河矣。又北有廣義河。出口

東混元峯。西流注之。滙而為潭。魏書所謂善無北陂也。又東
由水柵口出邊牆。入和林格爾廳境。寧遠水自寧遠廳東來
注之。北循榆樹梁東麓流九十里。至廳治之西南。一水自廳
西北南流。注之。折而西流。循紅山入清水河廳界。俗又名為
紅河。又西至廳北石壁汎穿古邊牆。又屈流出牆。西至廳西
北四十里之岔河口。與清水河會。又西二十里入於黃河。
清水河古樹頽水也。源出山西平魯縣大頭山。西流經縣治南
迤北會紅河。注於河。

山西通志。案清水河古樹頽水也。出平魯縣西四十里大頭
山之大嘴溝。山連清水河廳。即古吐頽山。水經注謂之東山
也。其水自源流合樊家河。響泉。俗名湯溪河。由大水口出邊
牆入清水河廳境。七墩口之水東來注之。鎮川口之水南來

注之。紅門口之水西來注之。合流至廳東南五十里。名三汊河。舊名寧邊河。以廳境本遼。金之寧邊州也。西北流。逕廳治南。又北流三十里。出古邊牆。與兔毛河會。名岔河口。又西南入黃河。案九邊圖有神水湖。即此水也。兩鎮三關志謂之明水灣。今廳治即因水而名。方輿紀要云。奄遏下水。納大澗。小澗。大澗。小澗。及銀海諸細流。合而入黃河。以遼史天祚帝南下武州。遇金人。戰於奄遏。下水證之。當即清水河矣。水經謂樹頽水出東山下。西南流。右合誥升袁水。亂流西南注。分為二水。左水枝分南出。謂之太羅河。右水西逕故城南。北俗謂之昆新城。其水自城西南注於河。其云太羅河。乃今偏關縣之關河。以水源相近而牽混。其各水所經之昆新城。雖不可考。而水道則明是今之清水河。至於中陵川水之下。所云誥

袁河流逕汝陽縣。左合中陵川，亂流西南，合樹頽水，則亦明指今岔河口。二水交流矣。特所敘左右枝津源委糾紛，驟不易辨耳。

案以上直注於黃河者，凡十一河。先會於黑河，而轉注於黃河者，凡十三河。皆黃河入綏境後，左岸所納諸水也。又大小黑河，蒙古名伊克圖爾根。巴哈圖爾根者，與河套鄂爾多斯部之黑河、小黑河亦名伊克圖爾根。巴哈土爾根完全相同。惟地有河東河西之分，流有入左入右之別耳。黃河自石嘴入臨河縣境，經五原、安北，至包頭之五里鄂博，凡八百餘里。自五里鄂博經薩拉齊境，至雙水泡村，凡三百五十里。自雙水泡村經托克托境，至喇嘛灣，凡百六十里。自喇嘛灣經清水河境，至老牛灣出省，凡百四十里。

黃河北岸所納諸水既如上述其南岸所納實尤較北岸為多。茲復撮紀如次。

庫噶爾黑河在鄂爾多斯部右翼中旗西南境西流注黃河。

蒙古遊牧記鄂爾多斯右翼中旗注旗西南三百三十里有

庫噶爾黑河源出庫噶爾黑泉南流入邊又西折出邊入黃

河明一統志黑水河在寧夏衛城東番名喀喇禿速西流注

黃河。

巴哈扎蘇圖河在鄂爾多斯部右翼中旗之西西北流會伊克

蘇圖河入黃河又大折蘇圖河小折蘇圖河亦在旗西會流

沃野設治局境入黃河。

蒙古遊牧記鄂爾多斯右翼中旗注旗西五十里有巴哈扎

蘇圖河源出巴歡泉西北流會伊克扎蘇圖河入黃河二百

二十里。有博木池。大小折蘇圖河。合注入之。又西入黃河。旗西北百里。有伊克托蘇圖河。源出布海札喇克之地。西流會黃河。

錫都喇扈河。喀賴河。柳河。兔毛河。小黑河。皆在鄂爾多斯部左翼後旗西境。分流各注於黃河。

蒙古遊牧記。鄂爾多斯左翼後旗注旗西二十五里有錫都喇扈河。源出吳烈泉。東北流入黃河。五十里有喀賴河。源出

朱爾罕呼圖克。北流入黃河。百十里。有柳河。蒙古名布爾哈

蘇台。源出察罕院羅海岡。北流入黃河。百二十里有兔毛河。蒙古名溜賚昆克。源出敖柴達木。西北流入黃河。二百四十

里。有小黑河。東流入黃河。

黑河。烏爾巴齊河。車倫木根河。皆在鄂爾多斯部左翼後旗西

北境。分流各注於黃河。

蒙古遊牧記。鄂爾多斯左翼後旗注。旗西北二百五十里有黑河。蒙古名伊克土爾根。源出呼呼冒頓之地。東流至烏拉遜鄉。入黃河。三百十里。有烏爾巴齊河。源出平地。東流入黃河。三百七十里。有車倫木根河。源出撒爾齊拉之地。東流入黃河。又旗西二百四十里。巴哈土爾根河。入黃河處。土名遮渡。

案巴哈土爾根河。即前條之小黑河。與本條之黑河名伊克土爾根者。正以大小相對也。乃後乘著者。因不諳蒙語。又見遊牧記分條別注。遂誤認為二河。於是既錄小黑河。又錄巴哈土爾根河。殊不知注文於本條之末。仍引巴哈土爾根者。係申明前條未盡之意。其所重在入黃河處之

遼遼渡。並非於小黑河之外。別著一巴哈土爾根也。且原
注加一又字。復注明旗西二百四十里。即係標出所注與
本條不相連屬之意。不然本條所紀皆西北方河流。何必
贅一西境之河。以自紊其例。再證以前條之小黑河。亦在
旗西二百四十里之地。與巴哈土爾根之所在。確相脗合。
則綏乘之謬。可以不待繁言而決矣。

坎台河。在鄂爾多斯部左翼後旗東境。獨流。注於黃河。

蒙古遊牧記。鄂爾多斯左翼後旗。旗東十二里。有坎台河。
源出布木巴泉。經罕台溝。東北流入黃河。

塔爾奇爾河。布林河。大昆克河。小昆克河。哈岱河。在托克托縣
之西境。鄂爾多斯部左翼前旗東境。分流。注於黃河。
蒙古遊牧記。鄂爾多斯左翼前旗。旗東七十里。有塔爾奇

爾河源出噶克釵墨頓東流入黃河八十里。有布林河源出

察木哈克泉東南流入黃河。又旗東七十里大昆克河入黃

河處為太子灘。蒙古名巴哈昆克旗東南八十五里有哈岱

河。源出賀岳爾博金坡南平地東南流入黃河。

以上黃河自寧夏出邊至老牛灣入邊所納河套境內諸

水。出邊北流之東岸折而東流大小凡十九河。

綏遠注入黃河諸水具述如前。此外不入黃河者。又有流水與

止水之分。茲先就省境流水撮要次舉於下。

錫喇木倫河有二。一在四子部落旗西北五十里。在武川縣境

之極北。清一統志所謂黃水河也。一在烏拉特中旗西百餘里。

查合呼燒一作蔡山之南。則向來載籍所無也。其在四子部落

者。源出得免嶺之南。翁宸鄂博岡之西南谷中。東北流三十餘

里有巴塔林界勒河。自西南來注之。又百餘里折而正北。凡三百餘里。瀦為錫喇察汗淖爾。其中旗西者。源出匝得根布雷克平地。正東流瀦而為泊。

蒙古遊牧記。四子部落注。所部當陰山之北。臨沙漠。有水自北麓流出。當旗西北五十里。曰錫喇木倫河。漢言黃水河也。源出得兒嶺之南。翁袞鄂博岡之西南谷中。東北流百里許。出山折而正北。凡三百餘里。而瀦為錫喇察漢諾爾。齊侍即曰。此水南經河灘。隔阻重山。當河套折而南流之正北也。綏乘按一統志。黃水河在四子部落旗西北五十里。蒙古名錫喇木倫。自喀爾喀右翼流入境。東北流出喀倫邊。而無巴塔林界勒河。蒙古遊牧記云。黃水河瀦為錫喇察漢淖爾。與今圖合。其在烏拉特中旗之河。歷來載籍不言。而一統志所

載烏拉特西北境之水。有克爾布泉。有五藍拜星泉。有布客泉。有冷泉。四泉以方望里數核之。則布客泉在旗西北九十八里。冷泉在旗西北一百五里。與今圖之錫喇木倫河相似。然今圖只有其一。而其一無之。究難確指為何泉也。烏蘭伊爾哈河在察漢文都爾山之西。野托爾烏略哈河在活克活爾齊山之西。德期欽河在十一台山之西。三山三水櫛比相間。如州字。然德期欽河之西南。有白石泉。會噶爾哈圖泉。德本德泉。青城泉。三水來注。其西北有布魯圖泉。會二小水來注。綏乘按烏蘭伊爾哈河三水。皆在四子部落界內。清一統志云。白石泉在旗西北六十里。蒙古名察汗齊老。噶爾哈圖泉在旗南一百四十里。德本德泉在旗西南一百里。青城泉在旗西南一百里。蒙古名博羅虎濟爾。今圖流入德期欽河之

四水與一統志所言方望恰合。而德期欽河及烏蘭伊爾哈
河、野托爾烏略哈河皆未之言及。而一統志所載尚有希巴
爾台泉、雅孫哈拍齊爾泉。今皆無攷矣。

愛布哈河。其上流為塔爾渾河。源出後烏蘭不浪之北平地。西
北流至鴻蓋寺（百靈廟）之南。有一水自西南來注。會流百
餘里。至老龍蘇木之北。又一水自西來注。始名愛布哈河。綏乘
所謂奈不改告老河。

蒙古遊牧記。愛布哈河。源出茂明安旗西北刻勒峯。東流經
旗東北之固爾班喀喇山。入喀爾喀右翼界。水道提綱。愛必
哈河於河套為東北角陰山之北。源出沙土中。西南流百數
十里。有塔尼渾河自東南來會。經察罕和邨。西麓亦洛圖山
東麓。又西南折而南流。至察罕七老圖。歧為二小池。而涸。會

典圖說。愛布谷河出茂明安旗。東北流。南納塔爾渾河。又東
北經喀爾喀右翼旗。潯為阿勒坦托輝泊。
綏乘業。奈不改告老河之名。不見載籍。據水道提綱及清會
典一統志。諸水所載之愛必哈河。愛必奈。不音亦相近。惟告
老與哈音不同耳。形勢相似。但水道提綱謂為西南流。會典
統志皆謂為東北流。以今圖核之。實東北流。而非西南流也。
腮烏蘇河源出茂明安旗南十許里平地。東北流。有一小水來
注。折而東流。經茂明安旗東北。入喀爾喀右翼界。又折而北流。
又折而西北流。潯為腮烏蘇泊。西北百里許。又有哈才居老河。
綏乘業。此河不見載籍。惟清一統志云。布祿爾托海河在旗
東北四十里。源出伊克哈達圖山。北流會愛畢哈河。云云。又
喀爾喀右翼西北十里有車爾泉。按其方望與今之腮烏蘇

河不甚相遠。惟腮烏蘇至右翼界內。即瀦而為泊。不與愛畢
哈通。且隔青那石太山。亦勢所不能越也。或以為車爾泉則
似近之。

開令河源出茂明安旗西四十許里平地。迤邐經固陽縣境之
東北。流至白銀花折而南流。十許里瀦為察罕淖。

案綏乘開令一作克林。與克魯倫音相近。俗傳康熙中。聖
祖征噶爾丹時。寇沿克魯倫河而遁。併引鴻臚寺南有康
熙營盤以證之。遂謂克魯倫河即此開令河。但李元度所
撰先正事略云。克魯倫者。起車臣汗西界。東北入黑龍江。
橫亘瀚海東北二千里。乃內外蒙古之界。豈可以此小河
當之乎。

哈達圖河。在茂明安旗與土默特旗連界處。哈達瑪勒河。在土

默特旗與喀爾喀右翼旗連界處。皆大青北之小水也。
理藩院則例載。奏定茂明安與土默特兩旗址。自白衛戈爾山
所設封堆起。迤東至大小兩毫資。設封堆二。轉東北至哈達
圖河之南北二山。山頂設封堆二。迤北至烏蘭和碩。設封堆
一。又北至克抽鄂博。所設封堆。定為茂明安、達爾漢貝勒、土
默特三旗交界。自克抽封堆西北之副都統衙門。徵租官房
西所設封堆二起。迤西為茂明安旗界。迤東為土默特旗界。
又達爾漢貝勒與土默特兩旗界址。自克抽封堆起。至向東北
之山頂。設封堆一。迤東於哈拉圖溫都爾茂蓋圖庫謝齊洛
薩查鄂博磨棟鄂博哈達瑪勒河源。奔經圖哈拉鄂博霍拉
保山托速圖山。各設封堆。以托速圖山定為達爾漢貝勒、土
默特、四子部落三旗交界山。迤北為達爾漢貝勒旗界山。迤

南為土默特旗界。又達爾漢貝勒土默特兩旗以哈達瑪勒
河源為正中交界。又土默特茂明安兩旗搭界之德勒格爾
共對賽爾呼土克等處耕種居民分清地界界東租交土默
特界西租交茂明安。

拜星圖泉亦茂明安之小河流也。在固陽縣境西南流入坤都
倫河。

蒙古遊牧記旗南十五里有拜星圖泉源出哈拉海圖山西
南流會昆都倫河六十里有坤都倫河源出和岳爾白爾克
山西流經官山入烏喇特旗界。

業坤都倫河已見前入黃河諸水條即石門水也。

陰山之北地形高亢又以鄰近戈壁水源甚少其河流之見於
載籍及流程較長而名稍著者略如上述其源流俱小不見於

古書而僅於綏遠旗志略著其梗概者則有天干河察汗營河
哈拉烏素村河土城子河塔布河補龍河河子村水席邊河大
青河等名。

綏遠旗志。天干河在活佛灘村東。從中什拉流來。西北入烏
藍花村界。察汗營河在德令山東。從烏藍花流來。西入塔布
河。哈拉烏素村河。從筆架山流出。入察汗營河。土城子河。從
古力半不浪流來。西入塔布河。塔布河在可可烏素村東北。
從察汗營來。流入戈壁。水性湍急。補龍河在黑藍以力更村
南。從塔布河流來。北入什拉莫力名境。河子村水。從韭菜溝
來。流歸席邊河。席邊河在塔套爾西北。西流入達爾漢貝勒
境。大青河在梁蓋村北。水從天義泉來。流經西北。蘇力惱包。
案以上為綏遠省大青山以北。不入黃河諸水。亦即烏蘭

察布盟所屬六旗境內之水也。武川、固陽二縣分治各旗。故關於縣屬河流不複述焉。

烏蘭木倫河在河套鄂爾多斯境。即伊克昭盟七旗所在地。烏蘭木倫譯言紅河也。八諸書均譯作紫河。稍誤。源出臺石坡。

西平地。逕東勝縣南。南流三十里許。有西烏蘭木倫河。自西北

來注之。又南流十餘里。有公繼蓋河。自東北來注之。轉向東南。

流十許里。有窩兔河。自西北來注之。又東南流二十許里。有考

烏素河。其上流為伊金和洛河。會活沙圖溝之水。自西北來

注之。又東南流十許里。有活雞圖溝。會數小水。自西北來注之。

又東南流。有珠概溝、紐扣、哈達溝、廠汗爾力蓋溝、鎖匠、伙盤溝。

排比。自西北來注之。又東南流十許里。有犍牛川。自東北來注

之。又東南至水磨環入邊。名窟野河。注於黃河。

綏乘業清一統志紫河在左翼中旗東二十五里蒙古名烏
蘭木倫源出臺石坡西平地西南流入邊城其入紫河之水
有鯨額爾吉河喀楚爾河布喀河舒貴河今考紫河乃前套
最大之水其自西面流入者實不止四水其自東面流入者
又只有特牛川一水以一統志所載方望而論特牛川似與
布喀河為近其舒貴河即今書貴溝流入特牛川者也鯨額
爾吉及喀楚爾則皆無考矣又一統志言紫河西南流入邊
據今之地勢實東南流而非西南流此河自發源至入邊皆
經山峽之內又無可從之道統志蓋誤案蒙古遊牧記左翼
前旗注三十四里有布喀河源出博羅巴爾哈孫東平地西
南流會紫河六十里有院索圖河源出得勒蘇台坡西平地
南流會布喀河

紫河之西有耳凌兔河會圪臭溝之水（在札薩克旗）南流入邊。又其西為五道河白河二水（在烏審旗）合流入邊。經乘業清一統志上稍兒河在右翼前旗東南一百四十里。源出絲布里都南入邊城。席伯爾河在右翼前旗南九十里。源出蟒喀圖虎爾虎之地南流會錫克丑河入邊城。阿爾塞河在右翼前旗南一百七十里。源出恩多爾拜山南平地。西南流會席伯爾河。今考席伯爾河之地望與白河為近。西南流入席伯爾之阿爾塞河。即今之五道河也。但耳凌兔河發源之地。今人猶呼為公布。譯音即古之絲布克丑河。譯音即今之所謂圪臭。據一統志克丑河宜入席伯爾河。而今之圪臭溝水乃流入耳凌兔河。以一統志里數核之。耳凌兔河宜在上稍兒河之地位。決不宜在席伯爾之地位。又席伯爾在

旗南九十里。阿爾塞在旗南一百七十里。上稍兒在旗東南一百四十里。種種紛拏。均難臆合。存以俟考。

席伯爾河。錫克丑河。阿爾塞河。皆在鄂爾多斯右翼前旗境。會流南入邊。

蒙古遊牧記。右翼前旗注。旗南九十里。有席伯爾河。源出蟒格圖呼爾呼之地。南流會錫克丑河。入邊城。為榆林之榆溪。

西河上源。百七十里。有阿爾塞河。源出恩多爾拜山南平地。西南流會席伯爾河。

白河之西。有哈柳圖河。一作海流（在烏審旗）源出虎喇虎平

地。南流會於紅柳河。又其西為那泥河。（即細河）林一作納源出托里泉。南流亦會於紅柳河。紅柳河源出長城以南。古奢延水也。北流出塞。經鄂托克旗境。為爛泥河。屈東流入烏審旗境。

為紅柳河。其統名為大岔河。又屈東南流。有黑河自南來注之。又會那泥哈柳圖二水。南流入邊。會西來之額圖渾河。後為無定河。

清一統志。哈柳圖河在右翼前旗西南一百八十里。源出虎刺虎之地。東南流。合細河。金河二水。入榆林邊。至波羅營會西來之額圖渾河。為無定河。細河在右翼前旗西南三百十里。蒙古名納林河。源出托里泉。南流會哈柳圖河。金河在右翼前旗西南二百九十里。蒙古名西喇烏素。源出磨虎刺虎之地。南流會哈柳圖河。又無定河下。元和志。朔方縣無定河。一名朔水。一名奢延水。源出縣南百步。又流入德靜縣。鄭樵通志。無定河。俗名澆忽都河。源出龍州堡南宜家畔。合靜邊城西之紅柳河。城東之菽麥河。東流出塞。至懷遠縣之清平堡。

東北。又入邊牆。右合清平水。柳兒泉。狄青原諸水。又東逕威
武堡北。合海棠河水。又東逕懷遠縣北。復出塞。合塞外之園
水。及打狼河。石窰川水。至波羅堡。復入而東南流。黑水頭溝
水。東流會之。又逕響水堡東。東南入榆林界。
綏乘業一統志謂哈柳圖河即打狼河。會數派入邊。為石窰
川。即黑水。亦無定河之別源。云云。今黑河在紅柳河之南北。
流會於紅柳河。哈柳圖河在紅柳河之北。南流會於紅柳河。
宣今之黑河非古之黑水耶。又鄭樵通志謂無定河合塞外
之園水。云云。今按園水於漢出白土縣。在今東勝縣界內。謂
為東勝縣之烏蘭木倫河。尚為近之。去此蓋不啻三百餘里。
安能合耶。

案園水歷來誌地之書。皆謂在河套南部近邊處。獨綏乘

以為在北部的東勝縣境。未知何據。

芹河（在準格爾旗東南部）源出都爾伯特拜坡平地。南流

克丑河。小芹河。西河。入邊。注黃河。

清一統志。芹河在左翼前旗東二十五里。蒙古名伊克西刺

爾吉台。源出杜爾伯特拜坡東平地。南流入邊城。為陝西府

谷縣界之清水川。克丑河在左翼前旗東五里。源出噶克叉

冒頓東平地。東南流會芹河。小芹河在左翼前旗東五十五

里。蒙古名巴哈西刺爾吉台。源出得勒蘇台坡南平地。西南

流會芹河。西河在左翼前旗南三十里。源出科爾口。東流會

芹河。

圓水。在左翼中旗境。源出古白土縣圓谷。流經放縣南。

蒙古遊牧記。左翼中旗注旗南有古白土故城。漢置屬上郡。

後漢因之。晉省水經注。園水出白土縣園谷。東逕其縣南。括地志。白土故城在鹽池東北三百九十里。一統志。案其地近神木縣北。又蒲水亦在旗境。旗東南有美稷故城。漢置屬西河郡。後漢因之。晉省水經注。蒲水出西河郡美稷縣。是也。清水河源出邊內北流。出邊至鄂克托旗境內。注入青山湖。蒙古遊牧記。右翼中旗注。旗西南三百五十里有青湖。亦名青山湖。近榆林寧塞堡北。蒙古名佟哈拉克諾爾。清水河注其內。又注旗南三百九十里。有清水河。蒙古名佟哈拉克源。出邊內北流。入佟哈拉克池內。

鄂蘭河。滔賚河。在右翼中旗境。流入錫喇布里多諾爾。

蒙古遊牧記。右翼中旗注。錫喇布里多諾爾。直寧夏東北三百五十餘里。鄂蘭河東流。滔賴河北流。合西瀝馬。

葦爾圖河。在鄂爾多斯左翼前旗境。南流入邊。

蒙古遊牧記。左翼前旗注。旗南四十里有葦爾圖河。源出古

爾板多博坂南平地。南入邊城。

博羅哈爾吉圖河。亦在鄂爾多斯左翼前旗境。南流入邊。

蒙古遊牧記。左翼前旗注。旗之西南百四十里有博羅哈爾

吉圖河。源出平地。南流入邊城。一統志。案此河及樟河。即府

谷縣界之九股水也。

喀錫拉克河。魚河。蒲河。皆在鄂爾多斯左翼後旗境。各流入水

泊。

蒙古遊牧記。左翼後旗注。旗東五十里有喀錫拉克河。源出

色泊呼勒泉。東北流入奈馬代泊。百十里有漁河。蒙古名折

葛蘇台。源出托諾克陀羅海山。東北流入捕魚池。百四十里

有蒲河。蒙古名呼魯蘇台。源出察罕陀羅海岡。東北流入蒲池。

赤沙河、兔河、黃水河、固爾班河。皆在鄂爾多斯右翼後旗境。東北流入水泊。

蒙古遊牧記。右翼後旗注。旗西百三十里有赤沙河。源出赤

沙泉。東北流入鍋底池。百二十里有兔河。六十里有固爾班

池。共有三池。故名。九十里有鍋底池。周圍二十餘里。產

鹽。兔河、赤沙河二水注入其中。西南百四十里有黃水河。蒙

古名錫喇木倫。源出馬陰山北平地。東北流入固爾班河。疑係

固爾班池之謠

案以上河流為綏遠所屬鄂爾多斯部不入黃河諸水亦

即伊克昭盟七旗境內之水也。東勝縣及沃野設治局僅

占全套之一部。未能統括七旗之地。故上述各條皆以旗境為標準。而不涉及於縣局。所以期劃一而避參差也。又河西與山後暨白道川諸水。其相同之名字甚多。率因元明以來。塞外久為蒙族遊牧生息之區。風俗文字。諸多簡樸。其於所習見之山谷水。大抵以紅、黃、黑、白諸色為錫名之典據。是以錫喇（白）、黃、烏蘭（紅）、哈喇（黑）、察漢（白）等語。逐地可見。凡此皆囿於事實。固不能因其雷同而有所刪削變更也。

自陰山支脈包歸綏之東境而南迤。是為古之官山。以西至於河。統為白道川。亦曰豐州灘之境。諸水稍大者。殆無不直接間接注於河。即河套與後套之水亦然。蓋地勢使然也。其有不能注於黃河者。在綏境除近陝一隅流入邊城外。餘惟陰山以北。

及官山以東。數水而已。蓋亦皆地勢使然也。陰山北麓諸水。既均。條紀於前。茲更就官山以東。見諸載籍。或未訪所得者。敘次於下。

霸王河。發源於豐鎮縣屬正紅旗八蘇木印房子小山麓。二道溝。流入集寧境。至縣治東北五六里。復折而南。出境又東南流。注於豐鎮黃旗灘。二蘇木海。

采訪錄。霸王河長凡百六十餘里。常流濶約二丈。深約二尺。若秋冬雨澤稀少之際。寬五六尺。上游夾岸皆山。絕無氾濫之虞。然亦不能資以溉田。勢不便也。下游縣南及瀕海一帶。頗可導為農田之利。惜向無人講求經營。差足異耳。近有謀組水利社。從事於濬築堤堰者。如能有成。則溉田可數百頃。又此河經流處。灣折甚多。故土人亦稱把灣河。實即霸王二

字之轉音也。

泉。玉嶺河、蝦醬河皆在集寧縣境。一出境入二蘇木海。一滲入沙。

米訪錄。泉玉嶺河有二源。一起縣治北三十餘里之馬蓮灘。

東流七八里。與東北泉玉嶺山麓之一源相會。始名泉玉嶺。

河。曲折東南流。入豐鎮縣境。注於黃旗二蘇木海。蝦醬河源

出縣北八十里之老龍不浪山谷中。東北流十餘里。滲入沙

磧。其他小水之在集寧縣境者。有索旗河。長凡八九里。十阿旦河。長約十餘里。

西洋河。古延鄉水也。發源於豐鎮縣東北百八十里山谷中。東

南流。經興和縣境。入山西省天鎮縣之平遠水口。又東入河北

境。

大同府志。延鄉水即今西洋河。導源豐鎮廳東百八十五里。

山溝。蒙古謂之葫蘆。速太。其水由七家營東北流。逕高廟子。東石嘴。俗名頭道河。東流入天鎮縣之平遠水口。水經注。延鄉水出。延陵縣西山。東逕延陵縣故城北。俗指謂之琦城川。又東逕羅亭。又東逕馬城北。又東注修水。一統志。延鄉水在天鎮縣西北邊牆外。一名西洋河。東洋河。一名修水。古于延水也。發源於察哈爾正黃旗地。南流縱貫興和縣中部。經大青山之別支。東折入河北境。豐鎮志。于延水一名修水。即今東洋河。由察哈爾正黃旗五稜戶灘發源。南流逕一大山。俗呼為大青山。又南逕八戒窰。屈而東。逕碾房窰。謂之二道河。又東入直隸懷安界。山海經。梁渠之山。修水出焉。漢書地理志。代郡且如縣有于延水。出塞外。東至寧入沽。魏書。登國元年。帝自努山遷幸牛川。屯於

延水南。水經注于延水出塞外柔元鎮西。長川城南小山。東
南流。逕且如縣故城南。即修水也。又東逕馬城縣故城北。俗
謂是水為河頭。河頭出戎方受名耳又東逕零丁城南。右合延鄉水。
又東南流大寧郡北。右注雁門水。自下通謂之于延水。合數
條攷之。柔元鎮近今正黃旗五祿戶灘。且如近廳境東北。馬
城近懷安。零丁近萬全。長川城南小山。即梁渠山。後漢書永
初三年。敗五原郡兵於高渠谷。東觀記曰。戰九原高渠谷。疑
即山海經所稱梁渠山也。一統志云。于延水在天鎮縣北。一
名修水。一名東洋河。源出縣北邊牆外。時豐鎮未設耳。
新城河。一名豐川河。俗名飲馬河。古如渾水也。發源於正紅旗
葫蘆海。流由涼城縣境。經豐鎮縣境。五十餘里。南入大同縣界。
大同府志。如渾水導源察哈爾。正紅旗游牧之葫蘆海。水經

注如渾水出涼城旋鴻縣西南者也。由賽拉嗎克特不黑東
南流入豐鎮廳北牧地之永旺莊南。逕三祝窰。又南逕湧月
灣。又南逕民地之慈老溝。又東南逕新城灣。謂之新城河。靈
泉自左注之。又南逕焦山尾。又南逕河口灘。行廳境凡五十
餘里。由鎮羌邊牆水口南流入大同縣界。
得勝河發源于涼城縣境。東流入豐鎮縣境。納聚寶莊河。注于
如渾水。

豐鎮志得勝河一名三台道河。源出察哈爾正紅旗游牧地。
由朔平府屬寧遠廳東流入廳境。西二十五里民地。名常稔
莊。又東逕富喜村。東南逕二十一溝五臺窰。東北流逕三台
道山。注於如渾水。聚寶莊河源出恩義村。東南流逕黃羊嶺
溝。又東南逕廣德村。馬廠河西來注之。又東南逕聚寶莊。又

東南逕保全莊。又南逕留雲窠村。又東逕富喜村。注於後營村。謂之得勝河。留雲窠水源出留雲山麓。泉孔最多。平灘湧出衆水。會成河南流。注於聚寶莊河。馬廠河源出台子山。東流逕廣德村。入聚寶莊河。

大莊科河源出飲馬溝。納大梁河。在豐鎮縣南境。注於如澤水。又有官屯堡河南邊口水。俱發源豐鎮境南入邊城。

豐鎮志。大莊科河源出大小飲馬溝。西流逕大莊科。又西逕黑土台。又西逕忻州營。又西南逕西瓦窠。又南逕廣財溝。大梁河東來注之。又西南流至潘家圪塔。注於新城河。大梁河源出守口邊外西北舊大梁之西麓。西流半里許。即伏。又西由豐收嶺至豬兔崖。泉水湧出。細流不竭。又西逕北吉燕。又西逕探烟圖。土人引以灌園。出村外。又伏。又西由沙溝堰至

小山子泉孔沸騰。四時不涸。又西逕慶豐窰。河南田畝灌溉十餘頃。又西逕馬王廟。又西逕廣財溝。西南注於大莊科河。官屯堡河源出村西北山麓。南流二十里入鎮川口。大同縣界。南邊口水源出廳境南灣。東流從樺門山入天鎮縣界。後河在興和縣發源。縣治北境東南流。又一水自縣南東流來注之。是為前河。或謂後河上游納鴛鴦河。東南流。一說鴛鴦河由張北縣西南流入於興和縣境。入於後河。入山西天鎮縣境。豐鎮志。鴛鴦河發源於正黃旗五股泉。西南流至亢山子。謂之鴛鴦河。即遼景宗興宗道宗屢幸之鴛鴦灤。又折而東南流。逕二道河村。北注於後河。東流入直隸界。

案以上各條為綏省流水之不入黃河者。載籍所有。略備於是。至近今采訪所得。亦十九與古書相合。故仍多刺取。

舊文附諸逐條之後。以明先哲記載之不誣。其間有與現
今形勢稍戾之處。必參互攷訂。以求其所以致誤之因。其
有不見于古書而為近人圖志或采訪所發現者。亦撮要
補入。以期完備。如四子部西北流入照哈湖之二水。雖見
於新製省圖而未註厥名。又薩拉齊縣東八十里有穀粒
畔河。或作固爾班。蒙語。三道河也。源出陶思浩村北大青山谷中。南流
三四十里。入舊黃河槽。此不惟志乘所無。即新圖亦未採
入。此外有綏遠旗志所載在歸綏附近者。則有營房前水。
發源東北山麓。流經城隍廟前。入扎達海河。蜈蚣壩口水。
源出蜈蚣壩。南流會於扎達海河。此雖見於旗志。然皆涓
涓細流。或有或無。較之穀粒畔。猶不逮遠甚。凡此幽隱不
彰之水。以全省幅員之廣。為圖志采訪所不及者。當復不

勘。姑復記一二以概其餘。

綏遠流水具如上述。其止水在各蒙旗境者多名。淖爾。

亦作諾爾譯

言泊也。在各縣局境者多名。海子。至湖。灤池。沼之稱則甚鮮。蓋

方言習俗使然。又凡近省湖泊有史事沿革可資傳述者。間入

勝蹟門。惟尋常滄淵。始歸止水。下紀各條。即以此例彙著之。

西海子。在薩拉齊縣東界。喬家營子村南。秦家營子村北。西馬

駢。哈素等村在其東。朝號村在其東南。

業綏乘。謂本省止水。除距省較近者列入古蹟名勝外。惟

此一水。為歷來載籍所未道。此語殊不足據。考薩縣東南

舊有止水甚多。如祁家海子。邢家海子。陳氏海子及其他

以附近居民姓氏為名者。不一而足。雖邇年乾涸。漸多闕

為農田。然所存之數。亦不能謂為僅此一水也。蓋當前清

道咸之際。河水北侵。經薩縣南門。以達保同河善岱等村。厥後河道南遷。遂致沿北岸數十里內。逐處皆有蓄水。故薩境海子之名。以清季為最盛。若邢家海子。至今猶在。安得謂為此一水哉。

察汗泊。在四子部落東北界內。照哈湖在北界內。

綏乘。案四子部落界止水之可攷。止此二泊。如清一統志所載之希巴爾台泉。雅孫哈相齊爾泉。則皆無攷。

案四子部最東境。在通庫大路之東。尚有一泊。惟面積頗小。向無特著之名。然蒙地無名之止水。土人皆統稱以淖爾。此泊既不著於圖志。或亦此類歟。

腮大不速。淖爾毛大不速。淖爾皆鹽池也。二池東西相距十餘里。在喀爾喀右翼旗西北百餘里。

綏柔。案清一統志。喀爾喀右翼下鹽池。蒙古名達布遜。在旗
東南二十里。蒙古遊牧記則謂在旗西二十里。噶順泊在旗
西三十里。一統志及遊牧記均同。今考臆毛二大不速皆在
札薩克駐所西北百餘里外。是一統志與遊牧記之地望里
數皆誤。至於二大不速之何者為噶順泊。則更無攷。大不速
之與達布遜。不過譯音之異。蒙古語鹽也。

虎虎泊。在茂明安旗西北一百三十里。

游牧記作呼呼泊

察漢泊。烏蘭鄂博南北二泊。狐吐魯烏蘇泊。皆在烏拉特中旗。

勒炳戈壁之北。和碩山東泊。在和碩山東。那倫烏蘇泊。在白英

諾綠山北。木倫沙河泊。在一合戈壁之東。恩格里泊。在狼山西

北麓。古魚海也。

綏柔。案清一統志。烏拉特下哈拍察齊泉。在旗西四十五里。

五藍泉在旗西九十五里。臺泉在旗西北四十里。插漢泉在旗西北五十五里。克布爾泉在旗西北六十五里。五藍拜星泉在旗西北九十里。布吝泉在旗西北九十八里。冷泉在旗西北一百五里。蒙古名魁屯。杜窩勒泊在旗西一百十五里。北博克蘇海泊在旗西北一百八十里。魚海在旗西北一百里。蒙古名札哈蘇台。亦名魚兒海。又謂之魚海子。唐高適詩。洗兵魚海雲迎陣。是也。今業凡此諸泊共十有一。而今圖烏拉特境內。山北之泊亦十有一。數相符也。惟今多不得其名。其地又在綏遠極西北。人煙寥廓之境。但知呼之為諾爾。其確名則無能指之者。清一統志所載。三旗駐所皆在鐵柱谷。而今則三旗分駐南北。相距不啻五六百里。以地望里數求之。必確定鐵柱谷之所在。而後可得各泊之主名。今則併鐵

柱谷而亦迷其處。是地望里數亦難據古籍以定今地也。姑闕以俟知者。

業一統志遊牧記皆載烏拉特旗西南五十里有章武台泊。今亦無攷。綏乘以為即黃河近岸隨地湧出之水。土人所謂濫水泉者是也。若然則此泊當在五原縣境。而五原自清季墾闢以來。所開渠道縱橫鉅細。棼如蛛網。其地形水勢之因人力淤決而變易者。當必不鮮。此泊泯沒亦固其宜。

噶順泊鹽池車爾泉布祿魯泉皆在喀爾喀右翼旗境。

蒙古遊牧記喀爾喀右翼旗之即達爾漢貝勒所載西二十里

有鹽池蒙古名達布遜泊三十里有噶順泊西北十里有車

爾泉四十五里有布祿魯泉

案最新省圖在愛必哈河之東尚有一河一泊河名察漢
齊老而泊則無稱焉此泊此河不見於載籍或即綏乘所
記之腮烏蘇河耶果爾則泊亦即腮烏蘇泊矣又愛必哈
河末流所瀦名阿勒坦托輝泊見前流水條

晴湖一名察汗淖爾鄂爾多斯之清水河所瀦也案此清水河

拉克河一作通哈浪河在東勝縣西百餘里札薩克旗境北烏蘭淖爾亦

在東勝縣西百餘里七概淖爾在其北阿克淖爾南察汗淖爾

皆在烏審旗境內大海子小海子在東勝縣東南百餘里卯花

海子連大海子在烏蘭木倫河東岸紅海子在烏蘭木倫河西

百里紅蘇淖爾在耳陵兔北沙直亥海子在萬壽地北

綏乘業清一統志晴湖一名青山湖在左翼中旗西南三百

五十里蒙古名佟哈拉克腦免清水河注入其內今攷東勝

縣之察汗淖與一統志所載晴湖形勢相同。惟在中旗西北百餘里。而非西南三百五十里耳。一統志又載有彬革湖。菽麥湖。明沙湖。今無其名。而今之烏蘭七概等十一泊。於古亦無之意者。陵谷變遷歟。抑古今名稱有參差耶。

才登海子。在達拉特旗西才登台之北。現已淺涸。

綏乘業清一統志。達拉特旗境內湖泊有五。曰蒲池。曰苦水池。曰捕魚池。曰黑水池。曰柰馬代池。而皆云在旗東。而今之才登海子。乃在達旗札薩克駐所之西。又蒲池有蒲河注入其內。捕魚池有捕魚河注入其內。其餘三池皆未經河水注入。然則才登海子非蒲池。即捕魚池明矣。至於方望里數之不符。則因蒙古本以游牧為事。其札薩克之駐所亦逐水草為遷移。其或東或西或遠或近。固不可以內地城郭例之也。

固爾班疑或誤。稻。圖池。在右翼後旗黃河南岸。三池相連。固爾

班者蒙古語三也。其南即鍋底池。蒙古名哈拉瑪奈打不素。周

圍二十餘里。赤沙河陶賴河瀛賴河三水注入其中。即漢時朔

方縣鹽澤。唐名胡落鹽池者也。又其西曰紅水池。蒙古名烏蘭

池。

蒙古遊牧記。鄂爾多斯右翼後旗注。旗西六十里有固爾班

搯圖池。共有三池。故名。九十里有鍋底池。周圍二十餘里。產

鹽。兔河赤沙河二水注入。其中即漢時朔方縣鹽澤。唐名胡

落鹽池也。今土人名喀喇莽奈腦兒。漢地理志朔方郡朔方。

金蓮鹽澤皆在南水。經注魏土地記曰朔方縣有大鹽池。其

鹽大而青白色。名曰青鹽。又名戎鹽。入藥分。漢晉典官鹽池

去平城宮千二百里。在新秦之中。唐書食貨志安北都護府

有胡落池。歲得鹽萬四千斛。以給振武。天德。元和志。胡落鹽池。在長澤縣北五百里。周回三十里。亦謂之獨洛池。聲相近也。一統志。案漢時朔方之鹽池有二。至後魏時止言一池。即唐之胡洛鹽池。今喀喇莽奈大鹽池。金蓮鹽澤。今不可攷。水道提綱。套中產鹽池。以喀喇莽尼為大。即古金蓮鹽澤。及青鹽澤。唐時名胡洛鹽池者。百五十里有紅水池。

綏。乘。業。右。翼。後。旗。界。內。此。三。池。而。外。一。統。志。尚。載。有。特。默。圖。池。今。圖。無。之。存。以。俟。攷。

旗界內

長鹽池。紅鹽池。大鹽澤。越沒澤。巴漢池。皆在鄂爾多斯右翼前

清一統志。長鹽池在右翼前旗南三十五里。蒙古名達布蘇圖。紅鹽池在右翼前旗西南三百里。蒙古名五楞池。明成化

中。總督王越敗套寇於紅鹽池。卽此。大鹽灤在右翼前旗東
五十里。蒙古名特默圖。插漢。越沒灤在右翼前旗西三十五
里。蒙古名鄂爾吉虎。

案特默圖池。鄂爾吉虎。淖爾。蒙古遊牧記。皆載於右翼中
旗界內。而綏乘引一統志。則皆列入前旗。攷遊牧記中旗
注。北界至馬陰山。接右翼後旗境。而西刺木倫河。則北流
入鄂爾吉虎諾爾。就此文揆之。則鄂爾吉虎。淖爾。縱不屬
於中旗。亦當在後旗界內。何能反隸於位直東南之前旗
耶。疑二書必有一誤。

銅達氣烏素。淖爾。察斌達布素。淖爾。迭不拉亥。淖爾。可克烏素。
淖爾。沙拉烏素。淖爾。亮賴甲達亥。淖爾。大鹽池。苟池。腦包池。皆
在鄂爾多斯右翼中旗西南境。圍或數里。以至數十里。距王府

百餘里以至三百餘里不等。且有產鹽不產鹽之別。
采訪錄。鋼達氣烏素淖爾圍約三十餘里。距旗府百六十里。
察斌達布素淖爾圍亦三十餘里。產鹽如麵粉。質味甚佳。僅
供旗境居民食用。無包採販運之商。距府百七十里。迭不拉
亥淖爾。距府百九十里。圍約十里。可克烏素淖爾。距府二百
二十里。圍約二十里。沙拉烏素淖爾。距府二百五十里。圍約
七八里。羸賴甲達亥淖爾。距府二百七十里。圍十餘里。皆不
產鹽。大鹽池淖爾。圍約二十餘里。旗署派員設局。挖取收稅。
凡商人購鹽者。每斤價一文二釐。徵稅一文。出鹽量甚鉅。多
銷於陝北靖定二邊。並供旗境居民之用。距府三百四十里。
苟池淖爾。腦包池淖爾。圍皆十餘里。產鹽及管理辦法與大
鹽池同。距府各三百七十八里。

察汗淖爾、納林淖爾、巴彥淖爾、大克泊、小克泊、烏克淖爾、達拉吐魯水、淖爾、皂素水、淖爾、伊鏗、蘇淖爾。在鄂爾多斯右翼中旗東北境。其面積及距王府里數。各有大小遠近之異。產物有無亦不同。

采訪錄。察汗淖爾圍約二十餘里。產蘇極佳。有商人鄭張二姓包辦。訂期十年。每年納鄂旗租銀千兩。納林淖爾圍約十餘里。產蘇亦甚佳。惟無人包辦。距府八十里。巴彥淖爾圍二十餘里。產蘇較前二池稍遜。前清光緒年間。曾有商人忠義西號包採。旋以虧折停業。距府百二十里。大克泊、小克泊圍各十餘里。所產質似蘇硝。不易採製。距府百六十里。伊鏗淖爾圍約二十餘里。蘇質甚劣。無人經營。皂素水、淖爾、烏克淖爾圍各十五里。達拉吐魯水、淖爾圍約三十餘里。皆不產鹽。

錄。距府各約一百六七十

哈瑪太。淖爾摩多圖察汗淖爾。沙拉可兔淖爾。前二者產鱓。後

者則否。皆在鄂爾多斯右翼中旗正東。教龍淖爾。鱓賴兔淖爾。

哈達兔淖爾。烏爾杜淖爾。可克淖爾。哈比里汗奴素水淖爾。叨

好兔水淖爾。皆在東南。

采訪錄。教龍淖爾。圍約十里。產鱓甚佳。無人包採。距府十五

里。毫賴兔淖爾。距府六十里。哈比里汗奴素水淖爾。距府百

五十里。叨好兔水淖爾。烏爾杜水淖爾。皆距府百里。各圍約

十里。無所產。哈達兔水淖爾。可克淖爾。一距府六七十里。一

距府百五十里。各圍約二十里。可克雖產鱓而質劣。無人採

製。

綏乘。案清一統志。右翼中旗之湖泊。曰太藍上祿池。銀盤水。

西喇布里都池。博木池。只此四池。而摩多圖察汗池及哈達
圖池。則列於右翼前旗界內。今攷摩哈二池。亦中旗轄境。而
非前旗轄境也。今全旗境內湖泊共三十餘。較一統志所載
乃多至六七倍。足見蒙古境內之地理。自古失攷者多矣。
騰格里泊。古屠申澤也。在綏遠之極西邊。臨河縣境之西南。即
鄂爾多斯右翼後旗牧地所毗連處。泊周百餘里。通於黃河。
蒙古遊牧記引漢書地理志。朔方郡窳渾縣屠申澤在東。水
經注。河水又逕臨戎縣故城西。元朔五年立舊朔方郡治。又
北有枝渠東出。謂之銅口。東逕沃野縣故城南。又北屈而為
南河。出焉。又北迤西溢於窳渾縣故城東。元朔二年開朔方
郡治。其水積而為屠申澤。澤東西一百二十里。闕駟謂之澤
澤水道提綱。黃河北經阿布山塞爾吐喀喇山西麓。至白塔

之東東北稍曲折北流。枝為二派。一東北流。經後旗西北境。
 一北流。注騰格里鄂模。即古窳澤之屠中澤也。池東西甚長。
 其西北有水名哈爾哈納河。南流入焉。池自西南迤而東北。
 周百餘里。又從池東北出。會北來之阿爾坦河。又東北為庫
 庫鄂模。始折而東北流。
 大海小海皆在涼城縣境。大海即古諸聞澤。小海則鹽澤也。惟
 小海湮沒已久。土人或不能指其處。大海居縣城東五十餘里。
 周百餘里。其所在地今謂之大海灘。古謂之參合陂。是為綏遠
 最著之瀦水。

漢書地理志雁門郡沃陽縣鹽澤在東北。疆陰縣諸聞澤在

東北。按鹽澤今小海在廳東北二十里。即威寧海子。澤今代哈

水經注沃水又東北流。注鹽池。地理志鹽澤在東北者。今鹽

池西去沃陽縣故城六十五里。池水激滯淵而不流。東西三

十里。南北二十里。池北七里。即涼城郡治。池西有舊城。俗謂

之涼城也。郡取名焉。地理志曰：澤有長丞。此城即長丞所治

也。城西三里有小阜。阜下有泉。東南流注池水。北俗謂之大

谷北堆。水亦受目焉。按所云池長三十里者。今已湮廢。僅存

圖則自廳以南。以西之水。悉入中陵川。與注所云東北流者。

大相徑庭。惟志謂廳北十餘里。上有古廟。二山石立如圭。

涼城。西三里。小阜者也。注所謂

寧遠廳志。大海灘在廳治東一百二十里。周迴百餘里。春夏

之交。鴻鵠成群。父老云：雨後或見層樓疊翠。倒影其中。有納

錫拉珠爾格河。自北來。注之。納林

來訪錄。大海在縣城東五十餘里。北距棠祥寺十里。南距東

雙古城六七里。東至麻忽園村。西至九蘇目村。東西徑四十

里南北徑二十里。周一百餘里。水之淺深。以逢年雨澤多寡為準。冬季結冰。可勝車馬。夏則近岸泥濘。人罕能過。故泊中向無舟楫。泊畔涸出之地。可掘土熬鹽。惟西南兩方產量較多。東北漸殺。春夏時泊中多鴻鵠。鳧雁之屬。又有土人所稱為青莊。形略似鶴。面色蒼。水經注於參合。一作蒼鶴。或以此歟。泊之西南北三面皆隸於涼城。僅最東一隅毗連豐鎮。所受諸水有菊田酒三道。營河大廟坡索帶溝二小河。西北有園子溝河。凡大海灘淤泥灘流出之水。皆注其中。各小河雖間有細鱖。而泊中則不聞產魚云。

旋鴻池在古涼城。旋鴻縣東。俗名乞伏哀泊。山西通志謂似即寧遠廳東大海灘。但大小不符。疑此池如小海。殆已湮沒不易確指其處矣。

水經注。如澤水出涼城。旋鴻縣西南五十餘里。東流。逕故城。南北俗謂之獨谷孤城。水亦即名焉。東合旋鴻池水。水出旋鴻縣東山下。水積成池。北引魚水。出魚溪。南流注池。池水吐納川流。已成鉅沼。東西二里。南北四里。北對涼城之南池。池方五十里。俗名乞伏袁池。雖隔越山阜。鳥道不遠。西南流。逕旋鴻縣南。右合如澤水。是總二水之名矣。

案中國各地川淵。凡在史冊地志可攷者。其普通定例。大抵皆古大而今微。甚至古有而今無。求其古微而今或者。雖不能謂為絕無。要屬罕覯之事。山西通志謂旋鴻池。似即大海。亦無非就地理上為想當然之詞而已。顧旋鴻池。方僅五十里。而今之大海。則周迴凡一百餘里。其旁近之小海。古所謂鹽澤者。已湮沒無攷。何以獨此一泊。反能今

大於古。是殊不能令人無疑也。然竟謂大海必非旋鴻池。抑又不可。蓋旋鴻池在古。代有乞伏袁洎之名。而大海灘。至今猶存。乞伏社之舊稱。此稱之始。必有所因。故若斷其必非旋鴻。則池非社。是厥義何君。此又不能令人無疑也。疑既不可遽釋。惟當存其說。以待續攷耳。

壺盧海。亦如渾水之一源也。隸察哈爾正紅旗收地。直豐鎮之北。距縣城百三十里。又有鴛鴦灤。亦在豐鎮境。說見前。流水鴛鴦河。後河條。

大同府志。如渾水。導源察哈爾正紅旗遊牧之壺盧海。東南逕豐鎮。新城灣。謂之新城河。羊水。疑即得勝河。由寧遠廳東流入豐鎮。得勝口。逕孤山村。入如渾水。

山西通志。業壺盧海。在豐鎮北。少東一百三十里。唐顯慶中。

曹懷順擊突厥叛部。自壺盧泊帥騎進至黑沙是也。乞伏袁
泊。似即寧遠廳東大海灘。隋開皇中趙仲卿從高頰伐突厥。
追至乞伏泊破之。追度白道嶺是也。
按壺盧莽語謂蒲草也。

